

## MINISTARSTVO ZA POLJOPRIVREDU, ŠUMARSTVO I VODOPRIVREDU

65.

Na osnovu člana 92. stav 5. Zakona o vodama ("Službene novine Federacije BiH", broj 70/06), člana 52. stav 4. Zakona o vodama („Službene novine Zeničko-dobojskog Kantona“, broj 17/07) i člana 43. stav 2. Uredbe o vrstama i sadržaju planova zaštite od štetnog djelovanja voda ("Službene novine Federacije BiH", broj 26/09), kantonalni ministar za poljoprivredu, šumarstvo i vodoprivredu, donosi

### KANTONALNI OPERATIVNI PLAN ODBRANE OD POPLAVA

Kantonalnim operativnim planom odbrane od poplava (u daljnjem tekstu: KOP) utvrđuje se provođenje mjera aktivne odbrane od poplava i leda, u vrijeme neposredne opasnosti od pojave velikih (poplavnih) voda, u vrijeme trajanja poplava i otklanjanja posljedica poplava na vodotocima II kategorije, na području Zeničko-dobojskog Kantona. Federalnim operativnim planom odbrane od poplava („Službene novine FBiH“, broj: 7/11) (u daljem tekstu: FOP) utvrđeno je provođenje mjera aktivne odbrane od poplava i leda, u vrijeme neposredne opasnosti od pojave velikih (poplavnih) voda, u vrijeme trajanja poplava i otklanjanja posljedica poplava, na vodnom području rijeke Save uz površinske vode I. kategorije, pri čemu su vode I kategorije na području Zeničko-dobojskog Kantona vodotoci: Bosna, Usora i Krivaja, dok svi ostali vodotoci na području Kantona spadaju u vodotoke II. kategorije.

#### Organizacija aktivne odbrane od poplava

1.1. Nosioци i organizatori odbrane od poplava prema članu 22. stav 4. Uredbe o vrstama i sadržaju planova zaštite od štetnog djelovanja voda (u daljem tekstu: Uredba) za:	
Vodno područje sliva rijeke Save za vodotoke II kategorije na području Zeničko-dobojskog Kantona	<p>Ministarstvo za poljoprivredu, šumarstvo i vodoprivredu Zeničko-dobojskog kantona (u daljem tekstu: Ministarstvo)</p> <p>Ul. Kučukovići br. 2</p> <p>Tel: +387(0)032/460-570; 460-571;</p> <p>web: <a href="http://www.zdk.ba/ministarstvo-za-poljoprivredu-sumarstvo-i-vodoprivredu">www.zdk.ba/ministarstvo-za-poljoprivredu-sumarstvo-i-vodoprivredu</a></p> <p>e-mail: <a href="mailto:min.poljopriveda@zdk.ba">min.poljopriveda@zdk.ba</a></p> <p>Općinski načelnici općina Kantona: Visoko, Kakanj, Zenica, Žepče, Zavidovići, Maglaj, Doboj-jug, Usora, Tešanj, Olovo, Vareš, Breza, svaki na području svoje općine.</p> <p>Imena i kontakt telefoni općinskih načelnika nalaze se u prilogu ovog KOP-a, a mogu se naći na web stranicama navedenih općina, i putem linka na web stranici Ministarstva <a href="http://www.zdk.ba/ministarstvo-za-poljoprivredu-sumarstvo-i-vodoprivredu">www.zdk.ba/ministarstvo-za-poljoprivredu-sumarstvo-i-vodoprivredu</a></p>
1.2. Glavni rukovodioci odbrane od poplava prema članu 22. stav 5. Uredbe za:	

<p>Vodno područje sliva rijeke Save – za vodotoke II kategorije na području Zeničko-dobojskog Kantona</p>	<p>Ministar poljoprivrede, šumarstva i vodoprivrede Zeničko-dobojskog kantona Bojan Bošnjak Ul. Kučukovići br. 2 Tel: +387(0)032/460-570; 460-571; <a href="mailto:min.poljoprivreda@zdk.ba">min.poljoprivreda@zdk.ba</a></p> <p>Općinski načelnici općina Kantona: Visoko, Kakanj, Zenica, Žepče, Zavidovići, Maglaj, Doboju-jug, Usora, Tešanj, Olovo, Vareš, Breza, svaki na području svoje općine.</p> <p>Imena i kontakt telefoni općinskih načelnika nalaze se u prilogu ovog KOP-a, a mogu se naći na web stranicama navedenih općina i putem linka na web stranici Ministarstva <a href="http://www.zdk.ba/ministarstvo-za-poljoprivredu-sumarstvo-i-vodoprivredu">www.zdk.ba/ministarstvo-za-poljoprivredu-sumarstvo-i-vodoprivredu</a></p>
<p>1.3. Rukovodioci odbrane od poplava, podaci o pravnim i fizičkim licima zaduženim za provođenje aktivne odbrane od poplava prema članu 22. stav. 5. Uredbe</p>	
<p>Vodno područje sliva rijeke Save – za vodotoke II kategorije na području Zeničko-dobojskog Kantona</p>	<p>Imena rukovodilaca odbrane od poplava i podaci o pravnim i fizičkim licima zaduženim za odbranu od poplava i leda po pojedinim poplavnim područjima u općinama na području Kantona, nalaze se u tehničkim prilogima KOP-a i dostupni su na web stranici Ministarstva</p>
<p>1.4. Podaci o nosiocu provođenja mjera zaštite i spašavanja ljudi i materijalnih dobara od prirodnih i drugih nesreća</p>	<p>Kantonalna uprava civilne zaštite Zmaja od Bosne bb, 72000 Zenica Tel: +387(0)32 460-870, 460-871 Fax: +387(0)32 460-872 Operativni centar 121 e-mail: <a href="mailto:kucz@zdk.ba">kucz@zdk.ba</a> Kontakt detalji općinskih operativnih centara nalaze se u prilogu KOP-a</p>
<p>1.5. Organizacija zadužena za osmatranje hidroloških i meteoroloških podataka prema članu 29. Uredbe</p>	<p>Federalni hidrometeorološki zavod Ul. Bardakčije br. 12 Tel: 033 276-734, faks: 033 276-701</p>

**2. Obaveze, prava i odgovornosti učesnika u provođenju aktivne odbrane od poplava**

2.1. Obaveza i odgovornosti Ministarstva i općinskih načelnika prema čl. 22. stav 5, 24. stav 5, 37. i 43. Uredbe:

2.1.1. U provođenju aktivne odbrane od poplava Ministarstvo u saradnji sa općinskim načelnicima je obavezno i odgovorno da:

- organizuje provođenje mjera aktivne odbrane od poplava i leda iz nadležnosti Kantona;
- nalaže općinskim načelnicima angažovanje ovlaštenih pravnih lica osnovanih za obavljanje komunalnih djelatnosti, kao i po potrebi drugih pravnih lica za redovno i pojačano održavanje pojedinih dionica vodotoka na poplavnim područjima;
- predlaže izmjene i dopune KOP-a u skladu sa ukazanim potrebama;
- priprema zbirne godišnje izvještaje o poplavama i provedenim aktivnostima na odbrani od poplava i leda iz svoje nadležnosti, na bazi podataka od općina, sa ocjenom učinkovitosti stanju zaštitnih vodnih objekata koje dostavlja Vladi Kantona i Kantonalnoj upravi civilne zaštite;
- po prestanku aktivne odbrane od poplava, prikuplja podatke od općina o izvršenim radovima, utrošenom materijalu, troškovima odbrane od poplava i nastalim štetama na vodotocima II kategorije;
- vrši popunu opreme i materijala za svoje potrebe kao i potrebe angažovanih pravnih lica zaduženih za provođenje mjera aktivne odbrane od poplava;
- planira održavanje i dopunjavanje sistema veza za sve nivoe rukovođenja mjerama aktivne odbrane od poplava, te povezivanje vlastitog sistema veza sa drugim učesnicima (Agencija za vodno područje rijeke Save, , Kantonalni operativni centar civilne zaštite, Federalni hidrometeorološki zavod i dr.).

2.1.2. U provođenju aktivne odbrane od poplava općinski načelnici, svaki na području svoje općine obavezan je i odgovoran da:

- po nalogu Ministarstva angažuju ovlaštena pravna lica osnovana za obavljanje komunalnih djelatnosti i njihove mehanizacije, a po potrebi, uz dozvolu Ministarstva angažuju i druga pravna lica, za redovno i pojačano održavanje pojedinih dionica vodotoka na poplavnim područjima;
- pripremaju godišnje izvještaje o poplavama i provedenim aktivnostima na odbrani od poplava i leda na području svoje Općine, sa ocjenom učinkovitosti i stanju zaštitnih vodnih objekata, koje dostavljaju Ministarstvu;
- po prestanku aktivne odbrane od poplava, dostavljaju Ministarstvu podatke o izvršenim radovima, utrošenom materijalu, troškovima odbrane od poplava i nastalim štetama na vodotocima II kategorije na području dotične općine;
- vrše redovan pregled stanja uređenosti riječnih korita radi obezbjeđenja kontrolisanog i neškodljivog protoka velikih voda na poplavnim područjima uz površinske vode II kategorije;

2.2. Dužnosti i ovlaštenja i odgovornosti Glavnog rukovodioca odbrane od poplava i općinskih načelnika, odnosno zamjenika Glavnog rukovodioca odbrane od poplava prema čl.31. Stav 5, 33. i 35. Uredbe

2.2.1. U provođenju aktivne odbrane od poplava Glavni rukovodilac odbrane od poplava za područje za koje je nadležan, ima slijedeće dužnosti, ovlaštenja i odgovornosti:

- donosi rješenje o proglašenju prestanka redovne i vanredne odbrane od poplava i odbrane od leda po pojedinim poplavnim područjima na teritoriji Kantona, na bazi podataka o vodostajima pri kojima se donose navedena rješenja;
- odobrava i naređuje licima zaduženim za provođenje aktivne odbrane od poplava iz tačke 2.1.2. ovog KOP-a izvođenje hitnih (interventnih) radova na vodotocima na poplavnom području za koje su angažovani;
- nadzire blagovremenu pripremu akata i odluka, te planova ostalih učesnika u skladu sa odredbama ovog KOP-a;
- obezbjeđuje uslove za izvršavanje zadataka ostalih rukovodilaca odbrane od poplava utvrđenih ovim KOP-om;
- usklađuje aktivnosti kada se odbrana od poplava provodi istovremeno na više poplavnih područja;
- donosi odluke o uključivanju ljudi i sredstava pravnog/pravnih lica iz tačke 2.1.2. ovog KOP-a sa jednog na drugo poplavno područje (ako je to potrebno);
- pri opasnosti od poplava velikih razmjera, traži uključivanje u provedbu odbrane od poplava jedinica civilne zaštite i njihovih materijalnih sredstava;
- direktno saraduje sa Federalnim ministarstvom poljoprivrede, vodoprivrede i šumarstva i Agencijom za vodno područje rijeke Save, odnosno Agencijom za vodno područje Jadranskog mora, u provođenju ovog KOP-a, a u vezi sa provođenjem FOP-a;

2.2.2. U provođenju aktivne odbrane od poplava Načelnici općina na svom području imaju slijedeće dužnosti, ovlaštenja i odgovornosti:

- obezbjeđuje uslove za izvršavanje zadataka Glavnog rukovodioca odbrane od poplava prema ovom KOP-u;
- obezbjeđuje uslove za blagovremeno izvršavanje i sprovođenje aktivnosti i mjera odbrane od poplava i nadzire njihovo izvršavanje;
- dužno je da imenuje rukovodioca odbrane od poplava za poplavno područje iz reda pravnih lica angažovanih za provođenje mjera aktivne odbrane od poplava kao i njegovog zamjenika, te po potrebi sektorske i rukovodiocice odbrane od poplava po dionicama;
- donosi odluke o uključivanju ljudi i sredstava pravnog/pravnih lica iz tačke 2.1.2. ovog KOP-a, u skladu sa ovim KOP-om;
- pri opasnosti od poplava velikih razmjera, putem Ministarstva traži uključivanje u provedbu odbrane od poplava jedinica civilne zaštite i njihovih materijalnih sredstava;
- direktno saraduje sa Ministarstvom, u vezi sa provođenjem KOP-a;

<p>2.3. Obaveze i odgovornosti pravnog lica angažovanog za provođenje mjera aktivne odbrane od poplava (pravno lice iz tačke 2.1.2. ovog KOP-a) prema članu 25. stav 2. Uredbe</p>	<p>Pravno lice angažovano od strane Općinskih načelnika obavezno je i odgovorno da:</p> <ul style="list-style-type: none"><li>- provodi pripreme radnje na održavanju vodotoka i vodnog dobra na poplavnom području, uklanjanje nanosa, djelimično produbljivanje dna korita u skladu sa ovim KOP-om i odredbama ugovora zaključenog sa Ministarstvom;</li><li>- tokom aktivne odbrane od poplava na poplavnom području obavlja potrebne radnje i izvodi radove na krčenju i košenju rastinja, obnavljanje i održavanje propusta i prijelaza, obezbjeđenje nesmetanog režima tečenja ispod i oko mostova, u skladu sa ovim KOP-om, po naredbi glavnog rukovodioca odbrane od poplava;</li><li>- tokom aktivne odbrane od poplava na poplavnom području obavlja potrebne radnje na regulisanim dijelovima vodotoka, popravak, pojačanje i obnavljanje nasipa, krčenje, košenje i rad na vegetativnoj zaštiti objekata, u skladu sa ovim KOP-om, po naredbi glavnog rukovodioca odbrane od poplava;</li><li>- sve radnje i aktivnosti se moraju izvoditi na način koji ne utiče na pogoršanje karakteristika režima voda i bitno ne remeti prirodnu ravnotežu vodnih i priobalnih ekosistema;</li><li>- ako je to potrebno, dužno je staviti na raspolaganje sva svoja sredstva rada i zaposlenike za sprovođenje mjera aktivne odbrane od poplava na poplavnom području za koje je angažovano;</li><li>- uključuje svoja sredstva rada i zaposlenike za provođenje mjera aktivne odbrane od poplava i na drugim poplavnim područjima u slučaju njihove veće ugroženosti od poplava, a po odluci glavnog rukovodioca odbrane od poplava;</li><li>- dužno je u skladu sa obimom poplave na području za koje je zaduženo, odrediti adekvatnu lokaciju za odlaganje materijala za nasipanje i smještanje potrebne opreme i mehanizacije za provođenje mjera aktivne odbrane od poplava</li><li>- dužno je da imenuje rukovodioca odbrane od poplava za poplavno područje za koje je angažovano kao i njegovog zamjenika, te sektorske i rukovodioce odbrane od poplava po dionicama;</li></ul>
--	---

<p>2.4. Obaveze i odgovornosti rukovodioca odbrane od poplava, odnosno zamjenika rukovodioca odbrane od poplava iz tačke 2.3. ovog KOP-a, prema čl. 34. i 35. Uredbe</p>	<p>U provođenju aktivne odbrane od poplava rukovodilac, odnosno zamjenik rukovodioca odbrane od poplava, ima obaveze i odgovornosti da:</p> <ul style="list-style-type: none"><li>- rukovodi i usklađuje aktivnosti na provođenju mjera odbrane od poplava po pojedinim sektorima i dionicama unutar poplavnog područja za koje je angažovan;</li><li>- predlaže glavnom rukovodiocu odbrane od poplava, uvođenje i prestanak mjera redovne i vanredne odbrane od poplava na poplavnom području na kojem je angažovan;</li><li>- donosi odluke o rukovanju mehanizacijom angažovanom za aktivnu odbranu od poplava, o radu rukovodioca sektora i dionica, o potrebi angažovanja ljudi i sredstava sa jednog sektora na drugi;</li></ul>
--	---

	<ul style="list-style-type: none"> <li>- predlaže nadležnim organima ograničenja cestovnog željezničkog prometa na području na kojem je angažovan;</li> <li>- podnosi dnevne izvještaje o stanju na poplavnom području za koje je angažovan glavnom rukovodiocu odbrane od poplava, putem Načelnika općine;</li> <li>- nakon prestanka faze aktivne odbrane od poplava, u što kraćem roku podnosi glavnom rukovodiocu odbrane od poplava kompletan izvještaj o svim provedenim mjerama i aktivnostima za vrijeme odbrane od poplava, te konačni izvještaj o štetama na zaštitnim vodnim objektima i vodotocima na poplavnom području za koje je angažovan;</li> </ul>
<p>2.5. Poslovi Kantonalnog ministarstva poljoprivrede, šumarstva i vodoprivrede prema članu 27. stav 2. Uredbe</p>	<p>U provođenju mjera aktivne odbrane od poplava iz nadležnosti kantona, Ministarstvo izvršava sljedeće poslove:</p> <ul style="list-style-type: none"> <li>- nadzire provođenje i izvršavanje obaveza Općinskih načelnika utvrđenih ovim KOP-om;</li> <li>- ukoliko prijete neposredna opasnost od plavljenja naselja ili ako je do toga već došlo, prosljeđuje prijedlog Kantonalnoj upravi civilne zaštite, odnosno Kantonalnom štabu civilne zaštite za uključivanje službi, jedinica, sredstava i opreme civilne zaštite;</li> <li>- zahtijeva od Agencije za vodno područje rijeke Save i Agencije za vodno područje Jadranskog mora redovnu dostavu podataka iz Informacionog sistema voda ovodostajima na rijekama sa vodomjernih stanica iz svoje nadležnosti i o stanju snježnog pokrivača;</li> <li>- sa nadležnim federalnim Ministarstvom vrši razmjenu obavještenja i podataka u vezi sa odbranom od poplava na područjima od zajedničkog interesa;</li> </ul>
<p>2.6. Obaveza provođenja mjera zaštite i spašavanja na vodi i pod vodom, prema čl. 36. Uredbe</p>	<p>Osim mjera predviđenih ovim KOP-om, na poplavnim područjima provode se i druge potrebne mjere u skladu sa važećim propisima o zaštiti i spašavanju ljudi i materijalnih dobara od prirodnih i drugih nesreća.</p> <p>Kantonalni štab civilne zaštite, u provođenju mjera zaštite i spašavanja od prirodnih i drugih nesreća, ima ovlaštenja utvrđena</p> <p>Zakonom o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj 39/03, 22/06 i 43/10), Zakonom o nadležnostima kantonalnih organa Zeničko-dobojskog kantona u oblasti zaštite i spašavanja ljudi i materijalnih dobara od prirodnih i drugih nesreća ("Službene novine ZDK" br. 09/08 i 06/11), Zakonom o kantonalnoj upravi civilne zaštite ("Službene novine ZDK" br. 07/04, 05/08 i 06/11), Uredbom o formiranju kantonalnog štaba civilne zaštite ("Službene novine ZDK" br. 12/04, 05/08 i 07/11), te Uredbom o organizovanju službi zaštite i spašavanja Zeničko-dobojskog kantona ("Službene novine ZDK" br. 07/08).</p> <p>Kada nadležni organ Federacije, kantona ili općine proglasi stanje prirodne i druge nesreće na određenom području, aktiviraju se štabovi civilne zaštite Federacije BiH, kantona ili općine, radi rukovođenja akcijama zaštite i spašavanja ljudi i materijalnih dobara na područjima ugroženim poplavama koji</p>

funkcionišu sve dok nadležni organ ne proglasi prestanak stanja prirodne i druge nesreće uzrokovane poplavama.

Štabovi civilne zaštite mogu se aktivirati i u slučaju kada prijete neposredna opasnost od poplava po ljude i materijalna dobra.

### 3. Područja uz površinske vode II kategorije na kojima ne postoje zaštitni vodni objekti na kojima se provode mjere aktivne odbrane od poplava i leda

Površinske vode II kategorije na vodnom područje rijeke Save - područje Zeničko-dobojskog Kantona, prema mapi plavljenja iz KOP-a

Prikazano na mapama plavljenja iz priloga ovog KOP-a (za svaku Općinu posebno)

### 4. Vodostaji pri kojima na pojedinim područjima počinje redovna, odnosno vanredna odbrana od poplava

Područja uz površinske vode II kategorije

Vodostaji pri kojima počinje kontinuirano obavještanje stanovništva i službi civilne zaštite koji su nadležni za provođenje mjera zaštite i spašavanja ljudi i materijalnih dobara od prirodnih i drugih nesreća (poplava), odnosno podaci o vodomjernim stanicama sa kotama vodostaja nalaze se u Informacionom sistemu voda (ISV), koji je uspostavljen u nadležnoj Agenciji za vodno područje rijeke Save, sa vodomjernih stanica na području Kantona za vodotoke I kategorije.

Na profilima na kojima su predložene nove vodomjerne stanice, predlažu se slijedeći kriteriji za početak kontinuiranog obavještanja:

- A. Kada vodostaj poraste 10 cm i više, u odnosu na prethodni dan i/ili**
- B. Kada nivo vode dosegne kotu minor korita na profilu vodomjerne letve, i/ili**
- C. Kada Federalni hidrometeorološki zavod Sarajevo, na kišomjernoj stanici Zenica registruje padavine veće od:**

	P 5'	P 10'	P 15'	P 20'	P 30'	P 40'	P 50'	P 60'
<b>P &gt;</b> <b>(mm)</b>	5	9	11	13	16	18	20	22

Mapa poplavnog područja na vodotocima II kategorije nalazi se u tehničkim priložima ovog KOP-a, a ista se nalazi i na web stranici Ministarstva.

**5. Mjere koje se moraju preduzeti u vrijeme opasnosti od pojave velikih voda**

<p>Mjere koje se moraju preduzeti u vrijeme opasnosti od pojave velikih voda (pripremne mjere) na područjima uz površinske vode II kategorije prema članu 17. stav 3 i članu 18. Uredbe</p>	<p>Na ovim područjima, do izgradnje zaštitnih vodnih objekata, preduzimaju se mjere koje imaju za cilj otklanjanje uzroka smanjenja kapaciteta riječnih korita i zaštitu obala od erozije na najugroženijim dionicama. U ove mjere naročito spadaju:</p> <ul style="list-style-type: none"> <li>- čišćenje mostovskih otvora od granja i drugog kabastog otpada,</li> <li>- uklanjanje naplavina i čišćenje riječnih korita,</li> <li>- izvođenje zemljanih i sličnih radova na uređenju i održavanju obala,</li> <li>- izgradnja obaloutvrda za zaštitu od erozije na ugroženim dionicama i drugi hitni sanacioni radovi,</li> <li>- upoznavanje nadležnih općinskih službi sa mapama plavljenja na kojima su prikazane linije do kojih dopiru poplavne vode, koje su date u tehničkim priložima ovog KOP-a,</li> <li>- upoznavanje lokalnog stanovništva sa mapama iz prethodne alineje čija se imovina nalazi u poplavnoj zoni, te edukacija stanovništva za preduzimanje mjera samozaštite u cilju ublažavanja posljedica poplava (ovu mjeru provodi nadležna općinska služba)</li> </ul>
---	---

**6. Mjere i aktivnosti koje se moraju preduzeti u vrijeme trajanja poplava**

<p>Mjere i aktivnosti koje se moraju preduzeti u vrijeme trajanja poplava na područjima uz površinske vode II kategorije prema članu 17. stav 3 i članu 18. Uredbe</p>	<p>Na ovim područjima, zbog nepostojanja zaštitnih vodnih objekata, u vrijeme trajanja poplava provode se mjere i aktivnosti zaštite i spašavanja ljudi i materijalnih dobara od prirodnih i drugih nesreća (poplava). Ove mjere provode strukture civilne zaštite.</p> <p>Za efikasno provođenje ovih mjera neophodno je:</p> <ul style="list-style-type: none"> <li>- uspostaviti direktnu saradnju sa Informacionim sistemom voda nadležnih Agencije za vodna područja rijeke Save i Jadranskog mora, koje u vrijeme trajanja poplava imaju neprekidno dežurstvo radi prikupljanja i prosljeđivanja informacija o vodostajima na pripadajućim vodomjernim stanicama datim u tehničkim priložima FOP-a i ovog KOP-a,</li> <li>- vršiti redovno praćenje i razmjenu informacija o meteorološkim i hidrološkim prilikama, kao i procjenu tendencije razvoja poplava u budućnosti,</li> <li>- vršiti redovan obilazak i prikupljanje podataka sa područja zahvaćenih poplavama,</li> <li>- vršiti pripremu i izdavanje saopštenja za javnost,</li> <li>- vršiti direktnu saradnju sa nadležnim organima drugih susjednih kantona, kantonalnim organima i institucijama</li> </ul> <p>- i druge potrebne mjere zavisno od razvoja situacije na terenu.</p>
--	--



**7. Mjere i radnje otklanjanja posljedica poplava**

<p>Mjere i radnje otklanjanja posljedica poplava na područjima uz površinske vode II kategorije prema članu 18. Uredbe</p>	<p>Na ovim područjima preduzimaju se slijedeće mjere i radnje otklanjanja posljedica poplava:</p> <ul style="list-style-type: none"> <li>- prikupljanje podataka o štetama nastalim na koritima vodotoka,</li> <li>- naknada troškova rada, opreme i materijala fizičkim i pravnim licima koja su učestvovala u odbrani od poplava, po naređenju glavnog rukovodioca odbrane od poplava na vodnom području za koje je nadležan,</li> <li>- sanacija posljedica štetnog djelovanja voda (poplava), koja se radi na osnovu Programa sanacije koji donosi Vlada Zeničko – dobojskog Kantona u skladu sa odredbama člana 54. st. 6. Zakona o vodama Zeničko – dobojskog kantona („Službene novine“ ZDK, broj 17/07).</li> </ul>
--	---

**8. Sistem veza, način prikupljanja meteoroloških i hidroloških podataka i način obavještanja o pojavi poplava i preduzetim mjerama**

<p>8.1. Način održavanja međusobne veze (komunikacije) između institucija, pravnih i fizičkih lica zaduženih za provođenje mjera aktivne odbrane od poplava prema članu 18. Uredbe</p>	<p>Način održavanja veze i komunikacija između učesnika zaduženih za odbranu od poplava vrši se putem fiksnog telefona, faksa, mobitela i elektronske pošte. Popis institucija, pravnih i fizičkih lica zaduženih za provođenje mjera aktivne odbrane od poplava iz nadležnosti Zeničko-dobojskog Kantona sa podacima za kontakt dati su u okviru tačke 1. ovog KOP-a.</p>
<p>8.2. Način prikupljanja i dostavljanja meteoroloških i hidroloških podataka prema članu 37. Uredbe</p>	<p>Federalni hidrometeorološki zavod vrši opažanje i prikupljanje podataka o vrstama i količini padavina i vodostaja sa vodomjernih stanica koje su u njegovoj nadležnosti i iste dostavlja, u skladu sa odredbama FOP-a, Informacionim sistemima voda nadležnim Agencijama za vodna područja.</p> <p>Agencije za vodna područja vrše redovna osmatranja i prikupljanja hidroloških podataka (vodostaja) i meteoroloških podataka (sa stanica koje su u njihovoj nadležnosti) u Informacioni sistem voda, a iste, dostavljaju kantonalnim odnosno općinskim organima civilne zaštite na čijem području se provode mjere aktivne odbrane od poplava, kao i na zahtjev kantonalnih i općinskih organa uprave nadležnih za vode, u skladu sa članom 106. Zakona o vodama („Službene novine FBiH“, broj: 70/06).</p>
<p>8.3. Način obavještanja o vodostajima, poplavnom događaju, preduzetim mjerama, kao i procjeni tendencije razvoja poplava u budućnosti</p>	<p>Obavještanje o događajima u vrijeme aktivne odbrane od poplava vrši se putem izdavanja saopštenja i direktnim izjavama ovlaštenih lica za elektronske i printane medije.</p>

**9. Odbrana od leda**

9.1. Kriteriji pri kojima na pojedinim vodotocima počinje odbrana od leda prema članu 18. Uredbe	Provođenje redovnih i/ili vanrednih mjera odbrane od leda počinje kada se zalede veće površine vodnog ogledala, ili kada se pojavi gomilanje ili pokretanje ledenih masa.
9.2. Fizička i pravna lica zadužena za provođenje mjera odbrane od leda prema članu 39. Uredbe	Glavni rukovodilac odbrane od poplava za (nadležno vodno područje određuje početak provođenja redovnih i/ili vanrednih mjera odbrane od leda na vodotoku ili dijelu vodotoka na područjima iz tačke 3. ovog KOP-a. Provođenje mjera redovne i vanredne odbrane od leda vrši pravno lice iz tačke 2.1. alineja 2. ovog KOP-a.
9.3. Mjere redovne odbrane od leda prema članu 40. Uredbe	Mjere redovne odbrane od leda provode se osmatranjem i registrovanjem pojave leda sa ocjenom procenta pokrivenosti ledom površine vodnog ogledala, debljine leda, visine nagomilanih naslaga leda i drugih podataka bitnih za odbranu od leda.
9.4. Mjere vanredne odbrane od leda prema članu 40. Uredbe	Mjere vanredne odbrane od leda provode se lomljenjem ledenih površina, sprječavanjem zaustavljanja i nagomilavanja ledenih masa u koritu vodotoka, posebno na otvorima mostova i drugih važnih infrastrukturnih objekata.

**10. Tehnički prilozi**

Tehnički prilozi čiji je sadržaj utvrđen odredbama člana 19. stav 2, člana 22. st. 4. i 5. i člana 23. stav 2. Uredbe su sastavni dio ovog KOP-a i isti se, prema odredbama člana 41. stav 3. Uredbe, ne objavljuju u "Službenim novinama Zeničko-dobojskog Kantona ". Tehnički prilozi nalaze se u Ministarstvu za poljoprivredu, šumarstvo i vodoprivredu Zeničko-dobojskog Kantona i dostupni su na web stranici Ministarstva.

Tehnički prilozi iz prethodnog stava sadrže:

- Prilog 1. Službeni imenik struktura zaštite i spašavanja sa područja Zeničko - dobojskog kantona
- Prilog 2. Raspoloživa mehanizacija i vozila Općinskih službi u ZDK
- Prilog 3. Tabelarni prikaz podataka o poplavnim područjima u pojedinim općinama
- Prilog 4. Pregledna karta vodotoka u Zeničko-dobojskom Kantonu koji su obrađeni KOP-om, M 1:350.000
- Prilog 5. Pregledna situacija pozicija hidroloških stanica
- Prilog 6. Situacioni prikaz predloženih osmatračkih profila
- Prilog 7. – Prilog 18 Pregledna situacija poplavnih područja pojedinih općina

Detaljan prikaz poplavnih područja pojedinih općina

**11. Prijelazne i završne odredbe**

Kantonalni operativni plan odbrane od poplava stupa na snagu danom donošenja, a objavit će se u "Službenim novinama Zeničko-dobojskog Kantona".

Stupanjem na snagu ovog Kantonalnog operativnog plana odbrane od poplava, prestaje važiti Kantonalni operativni plan odbrane od poplava („Službene novine Zeničko-dobojskog kantona“, broj: 3/12).

Zenica: 30.12.2014 godine

Broj: 05-25-25578/14

**Ministar****BOJAN BOŠNJAK, s.r.****66.**

Na osnovu člana 56. stav 2. *Zakona o organizaciji organa uprave u Federaciji Bosne i Hercegovine* ("Službene novine Federacije BiH", broj: 35/05) i člana 34. stav 6. *Zakona o šumama* („Službene novine Zeničko-dobojskog kantona“, broj: 8/13) ministar Ministarstva za poljoprivredu, šumarstvo i vodoprivredu Zeničko-dobojskog kantona, donosi:

**P R A V I L N I K****o izmjeni Pravilnika o procedurama i vremenskim ograničenjima za prodaju šume, pravu prvenstva kupovine i uvjetima za zamjenu šume****Član 1.**

Ovim Pravilnikom vrši se izmjena Pravilnika o procedurama i vremenskim ograničenjima za prodaju šume, pravu prvenstva kupovine i uvjetima za zamjenu šume („Službene novine Zeničko-dobojskog kantona“, broj: 13/13), u daljem tekstu Pravilnik.

**Član 2.**

“Član 13. Pravilnika se briše“.

„Dosadašnji članovi 14. i 18. Pravilnika postaju članovi 13. i 14“.

**Član 3.**

Pravilnik o izmjeni Pravilnika o procedurama i vremenskim ograničenjima za prodaju šume, pravu prvenstva kupovine i uvjetima za zamjenu šume stupa na snagu danom donošenja i objavit će se u „Službenim novinama Zeničko-dobojskog kantona“.

Broj:05-26-2857/15

Datum, 09.02.2015.godine,

**MINISTAR****Bojan Bošnjak, s.r.****MINISTARSTVO ZA PRAVOSUĐE I UPRAVU****67.**

Na osnovu člana 39. stav 1. i člana 40. stav 1. i 2. *Zakona o notarima* („Službene novine Federacije Bosne i Hercegovine“, broj: 45/02), Ministarstvo za pravosuđe i upravu Zeničko-dobojskog kantona, o b j a v l j u j e :

**K O N K U R S**

**Za izbor 1 (jednog) notarskog pomoćnika u Notarskoj kancelariji notara Gordane Nalić u Žepču**

- Notarski pomoćnik..... 1 (jedan) izvršilac

**Za izbor 1 (jednog) notarskog pomoćnika u Notarskoj kancelariji notara Nuvejre Šabić u Zenici**

- Notarski pomoćnik..... 1 (jedan) izvršilac

**Opći uslovi za imenovanje notarskog pomoćnika**

Kandidati moraju kumulativno ispunjavati sljedeće uvjete:

- Da je državljanin Bosne i Hercegovine.
- Da ima poslovnu sposobnost i ispunjava opće zdravstvene uslove.
- Da je diplomirao na pravnom fakultetu u Bosni i Hercegovini, ili prije 06.04.1992. godine na pravnom fakultetu u SFRJ. Ukoliko je diploma stečena na pravnom fakultetu u nekoj drugoj državi, ovaj uslov se stiče nakon nostrifikacije diploma od nadležnog organa.
- Da je položio pravosudni ispit u Bosni i Hercegovini, ili prije 06.04.1992. godine u SFRJ. Ukoliko je